

DIE VIII DECEMBRIS

IN FESTO

IMMACULATAE CONCEPTIONIS

BEATAE MARIÆ VIRGINIS.

Introitus.

Isai. 61.

Lectio Libri Sapientiae Prov. 8.

GAudens gaudebo in Domino, et exultabit anima mea in Deo meo quia induit me vestimentis salutis; et indumento justitiae circumdedit me quasi Sponsam ornata monilibus suis.

Psalmi 29. Exaltabo te Domine, quoniam suscepiste me: nec delectasti inimicos meos super me. Gloria Patri.

Oratio.

DEus, qui per Immaculatam Virginis Conceptionem dignum Filio tuo habitaculum praeparasti; quaesumus ut qui, ex morte, ejusdem Filii tui praevisa, eam ab omni labe praeservasti, nos quoque mundos ejus intercessionem ad te pervenire concedas. Per eundem Dominum nostrum.

Et sit commemoratio Feriae.

Dominus possedit me in initio viarum suarum, antequam quidquam faceret a principio. Ab aeterno ordinata sum, et ex antiquis, antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat. Quando praeparabat coelos aderam, quando certa lege et gyro vallabat abyssos: quando aethera firmabat sursum, et librabat fontes aquarum: quando circumdabat mari terminum suum, et legem ponebat aquis ne transirent fines suos: quando appendebat fundamenta terrae. Cum eo eram cuncta componens; et delectabar per singulos dies, ludens in orbe terrarum: et delitiae meae esse cum filiis hominum. Nunc ergo filii audite me: Beati qui custodiunt vias meas. Audite disciplinam, et estote sapientes, et nolite abjicere eam.



REPUBLICA ARGENTINA
FONDO DE INVESTIGACIONES
1921 EST. 18. N.º 10.000

CAPILLA ALFONSO
BIBLIOTECA NACIONAL DE LA REPUBLICA ARGENTINA
U. S. A. N.º 1.1

